



# **COMUNU DE CERÀXIUS**

Tzitadi Metropolitana de Casteddu

Originali

**DETERMINATZIONI N. 1185 de su 27/10/2020**

## **ÀREA 1 - SÒTZIU-ASSISTENTZIALI - AM. RISORSAS UMANAS E CONTABILIDADI DE SU PERSONALI - CULTURA- SPORT- TURISMU**

### **Aministrativu Assistèntzia Sotziali**

**Ogetu :** Entrega de s'agidu econòmicu tzerriau Bonus Ìdricu Emergentziali po is impreadoris de su servitziu ìdricu integrau. Aprovatzioni graduatòria provisòria.

N° 413 de su Registru Determinatzionis

**ÀREA 1 - SÒTZIU-ASSISTENTZIALI - AM. RISORSAS UMANAS E CONTABILIDADI DE SU PERSONALI - CULTURA-  
SPORT- TURISMU**



## COMUNU DE CERÀXIUS

Provìntzia de Casteddu

### **ÀREA 1 - SÒTZIU-ASSISTENTZIALI - AM. RISORSAS UMANAS E CONTABILIDADI DE SU PERSONALI - CULTURA- SPORT- TURISMU Aministrativu Assistèntzia Sotziali**

**OGETU : ENTREGA DE S'AGIDU ECONÒMICU TZERRIAU BONUS ÌDRICU  
EMERGENTZIALI PO IS IMPREADORIS DE SU SERVÌTZIU  
ÌDRICU INTEGRAU. APROVATZIONI GRADUATÒRIA  
PROVISÒRIA.**

#### **SU DIRETORI DE S'ÀREA 1**

**Biu** su provedimentu prot. n. 25273 de su 30/06/2020 aundi su Sìndigu at torrau a donai a sa sutascrita s'incàrrigu de responsàbili de sa posidura apariciadora chi pertocat a s'Àrea Sòtziu-Assistentziali - Aministratzioni Risorsas Umanas e Contabilidadi de su Personali - Cultura - Sport e Turismu;

**Bia** sa deliberatzioni de su Cumitau Istitutzionali de Àmbitu de s'Enti de Guvernu de s'Àmbitu de Sardìnnia (EGAS) n. 23 de su 8 de mes'e argiolas 2020 aundi ant aprovau su Regulamentu po s'entrega de su Bonus idricu emergentziali po is impreadoris de su servìtziu idricu integrau, cument medida de apoderamentu a profetu de is famìllias chi funt sunfrendi po s'emergèntzia sanitària de Covid-19 de strobis mannos de dinai;

**Abetau** chi custa medida numenada si depit cunsiderai unu rimbursu tarifàriu straordinàriu a profetu de is aici naradas "utèntzas dèbilis", est a nai is famìllias bividoras me is Comunas gèrrius de Abbanoa s.p.a. chi tenint strobis mannos de genia sotzieconòmica po mori de sa cumpridura de is medidas de cuntenimentu alliongiadas a s'emergèntzia sanitària de Covid-19 e benit donada sighendi si maneras e is inditaduras amostadas in su Regulamentu giai numenau;

**Pigau àutu** chi est stètiu apariciu po parti de EGAS unu Fundu de Solidaridadi, destinau a sa cumpridura de custa medida in ogetu, spratziu intre totus is Comunas cun is maneras e is inditaduras chi ddoi funt fichius in su regulamentu e totu, est po su Comunu de Ceràxiu de € 149.140,98, carculau de manera proportzionali a sa genti bividora a su 1 de gennàrgiu 2017 e cunsiderau puru su tanti de subrafaci territoriali;

**Rilevau** chi, castiendi cussu chi est previdiu de su Regulamentu numenau, su Bonus idricu emergentziali est donau a is famillias titularis de utentzas deretas o chi bivint in una utentza indereta chi fait parti de sa genia “Impreu Domèsticu Bivideri”, chi portant custus requisitus:

- residentis aintru de unu de is Comunas gèrrius de Abbanoa SpA,
- titularis de unu cuntratu de frunidura de su servìtziu idricu integrau,
- cun inditadori ISEE no prus artu de su trèmini de 15.000,00 èurus,
- cun inditadori ISEE no prus artu de su trèmini de 20.000 èurus in is acontèssius de famillias cun a su mancu 3 fillus de pesai (famillia manna),
- in cunditionis particularis de debilesa econòmica po crupa de sa arrescidura/redusimentu de s’atividadu de traballu po ponni menti a is medidas de cuntunumentu impreadas po impitica s’apestamentu de Covid-19.

Po is impreadoris deretus est pedia sa titularidadi de una utentza domèstica Residenti de a su mancu unu de is cumponentis de su nùcleu ISEE, e in prus depit èssiri assegurau su poderiu de custus requisitus:

- sa coincidèntzia de sa residèntzia anagràfica de s’intestadàriu de su cuntratu de frunidura idrica cun s’indiritzu de frunidura de cussu cuntratu e totu;
- sa coincidèntzia de su nòmini e de su còdixi fiscali de s’intestadàriu de su cuntratu de frunidura idrica cun su nòmini de unu de is cumponentis de su nùcleu ISEE.

Po is impreadoris inderetus depit èssiri assegurada sa coincidèntzia intre sa residèntzia anagràfica de unu cumponenti de su nùcleu ISEE e s’indiritzu de sa frunidura condominiali o allongiada de su cali cussu nùcleu gosat, o puru chi s’indiritzu de residèntzia anagràfica de su pedidori siat sa pròpia de s’indiritzu de frunidura de s’utentza condominiali o allongiada;

**Rilevau** chi su tanti de su Bonus Emergentziali chi tocat a dònna beneficiàriu est de € 50,00 po dònna componenti de su nùcleu famillari.

**Cunsiderau** chi tocat a su Comunu:

- a) pigai a pitzu suu is dimandas de amitidura a su Bonus Emergentziali, imbiadas de is impreadoris de su servìtziu idricu integrau bivideris in su territòriu e s’ighiri a innantis cun sa averiguadura de sa presèntzia de is requisitus pedius de EGAS;
- b) aprova, a s’acabu de sa istrutòria, s’elencu provisòriu de is idòneus beneficiàrius cuncordada castiendi a s’ISEE;
- c) apariciat s’elencu definitivu de is beneficiàrius, de imbiai a s’EGAS, impari cun su àutu de aprovatzioni;

**Arregordada** sa determinatzioni n.785 de su 21/07/2020 chi at aprovau su bandu cun sa tarea de s’entrega de su Bonus idricu emergentziali a profetu de is famillias bivideras in su Comunu de Ceràxiu, castiendi is arrègulas e is maneras chi funt aintru de su Regulamentu aprovau de EGAS cun deliberatzioni n. 23 de su 8 de mes’e argiolas 2020;

**Bia** sa nota de s’EGAS prot. n. 3599 de su 13/07/2020 chi tenit cumentu ogetu “Deliberatzioni de su Cumitau Istitutzionali de Àmbitu n. 23 de su 8 de mes’e argiolas 2020 “Aprovatzioni de su Regulamentu po s’entrega de su Bonus Idricu Emergentziali po is

impreadoris de su servìtziu ìdricu integrau” chi ponit su tràmini po sa presentada de is dimandas imbordigadas a su 30 de cabudanni 2020, dii perlongada cun noda sighidora n. 7445 de su 29/09/2020 a su 15 de mes’e ladàmini;

**Pigau àutu** chi EGAS at prevìdiu, in prus de sa arregumandada costumada, pec o entrega a manu, una manera differenti de imbiu de is dimandas a is ufìtzios comunalis po parti de is impreadoris de su servìtziu ìdricu integrau gestiu de Abbanoa S.p.A. intrendi a su portali [www.bonusacqua.it](http://www.bonusacqua.it) cun arricidura automàtica de sa dimanda po parti de is Comunas;

**Averiguau** chi funt lòmpias a custu Enti n. 74 dimandas e intrada a s’agiudu tarifàriu in ogetu

**Donau àutu** chi a pustis de s’istrutòria dereta po averiguau sa tentura de is requisiti po parti de is pedidoris, puru atruessu de sa pedidura de integrazzioni de is datus e de sa documentatzioni arrechèdia, sa graduatòria provisòria cun sa tarea de sa arricidura de su bonus ìdricu emergentziali bessit furmada de n. 11 chi tenint deretu amìtius a s’agiudu e de n. 63 pedidoris bogaus poita chene is requisiti pedius, sighendi is arresultaus amostaus in is prospetis alliongiaus a custa determinatzioni;

**Donau àutu** chi sa graduatòria de is amìtius a s’agiudu est stètia apariciada donendi prioridadi a is pedidoris sighendi un’òrdini de ISEE amanniadori, aici cumentis scioberau de EGAS cun D.C.I. n. 23/2020;

## **DETERMINAT**

Po is arresonis numenadas in sa premissa:

**De aprovai** sa graduatòria provisòria de is amìtius e de is bogaus po s’agiudu tarifàriu tzerriau “Bonus ìdricu emergentziali” a agiudu de is impreadoris de su servìtziu ìdricu integrau, bividoris in su Comunu de Ceràxius, cracaus de is cunsequèntzias de s’emergèntzia sanitària de Covid-19 chi funt in cunditzionis de debilesa econòmica, sighendi is arresultaus de is prospetis chi ddoi funt me is lìteras A), B), C) e D) chi si alliongiant a custa determinatzioni po ndi fai parti integranti e de fundòriu;

**De publicai** is elencus de is amìtius e de is bogaus in su Albu Pretòriu online de s’Enti e in su giassu istitutzionali de su Comunu a s’indirizzu [www.comune.selargius.ca.it](http://www.comune.selargius.ca.it);

**De donai àutu** chi, po apretus alliongiaus a s’amparu de su resguardu bia a is pedidoris, s’at a fai sa publicatzioni in su giassu istitutzionali de su Comunu e in su albu pretòriu online, tenit balori de notìfica a totus is efetus;

**De cuncordai** chi cuntra de custa graduatòria est amìtiu su recursu, cun arresonis bonas, de entregai a s’Ufìtziu Servìtzius Sotzialis aintru de su tràmini frimu de 10 diis cumintzendi de sa dii de publicatzioni de is elencus in su giassu istitutzionali de su Comunu;

**De acrarai** chi custu àutu no ocasionat nisciunu dèpiri apitzus de custa Aministratzioni Comunali poita s’agiudu at a èssiri spratziu deretu de su gestori Abbanoa

S.p.A. a pustis de una determinatzioni po parti de EGAS aundi ant a èssiri arricius is elencus definitivus de is idòneus e no benefitziàrius imbiaus de su Comunu aintru de sa dii 17/1172020.

**Su Diretori de s'Àrea 1**  
**Dot.ssa M. Laura Giancaspro**